

Partoprenis Díaz-Canel kundison de la registara grupo subtene al la ĉefurbo.



Havano, 25 jun(RHK) La prezidanto de la ĉefata kaj ministra konsilantaro, Miguel Díaz-Canel gvidis kunsidon de la registara grupo subtene al la ĉefurbo, kie oni pritaksis esencajn temojn por evoluigo de la urbo.

Pri la interkonsentoj adoptitaj en antaŭaj kunsidoj, raportis Reynaldo García Zapata, prezidanto de la provinca asembleo de la popola povo. Interalie, li elstarigis la gravecon de ekipaĵoj kaj pecoj por reagi al la programo de revigligo de liftoj, kompletigi la brigadojn de stratriparoj, aĉeti materialojn por certigi la riparadon de altaj domoj kaj la situacio pri la produktado de farbo.

Aliaj temoj koncernis al la funkciado de la programoj pri loĝkonstruado kaj la merkatoj por vendi la necesajn materialojn, kiuj suferas pro manko de disciplino kaj malordo. Oni emfazis ke pri tio la aŭtoritatoj devas serioze atenti por eviti malĉaparon de la rimedoj.

Dum la kunsido oni ankaŭ prezentis la planon de agadoj por la somero, kiu havos kiel centron la komunumojn kaj kvartalojn, profitante la potencialojn ekzistantajn.

La parlamentestro, Esteban Lazo, asertis ke la ĉefa defio estas transformi la socian konscion de la civitanaro, kiu evidentiĝas en la atento al ĉio riparita aŭ konstruita, ĉar la festo de la 500-jariĝo de Havano estas por ĉiuj.

<https://www.radiohc.cu/index.php/eo/noticias/nacionales/165414-partoprenis-diaz-canel-kundison-de-la-registara-grupo-subtene-al-la-cefurbo>



Radio Habana Cuba